



Broj: 01-50-1-15-32/08  
Sarajevo, 14. jula 2008. godine

## ZAPISNIK

32. sjednice Predstavničkog doma  
Parlamentarne skupštine Bosne i Hercegovine,  
održane 9. i 14. jula 2008. godine

Sjednica je, 9. jula 2008., počela u 10 sati. Prisustvovalo je 40 poslanika. Opravdano je odsustvoavao Milorad Živković.

Iz Vijeća ministara BiH sjednici su prisustvovali: predsjedavajući Nikola Špirić, ministri Tarik Sadović, Sredoje Nović i Božo Ljubić, te zamjenici ministara Srđan Arnaut, Veselin Poljašević i Vilim Primorac.

Iz međunarodnih organizacija prisustvovali su predstavnici: OHR-a, OSCE-a, EUPM-a, američke ambasade, kao i nevladinih organizacija NDI i Centara civilnih inicijativa.

Zbog razmatranja njihovih izvještaja, sjednici su prisustvovali predstavnici Visokog sudskog i tužilačkog vijeća BiH i JPNIO Službenog lista BiH.

U uvodnim napomenama predsjedavajući Doma Niko Lozančić podsjetio je poslanike da im je dostavljen pregled poslaničkih pitanja postavljenih od početka ovog mandata, zaključno sa 31. sjednicom Doma, na koja nije odgovoreno do 25. juna 2008., te da se greškom u pregledu nalazi i inicijativa Denisa Bećirovića u vezi sa zaduženjem Vijeća ministara BiH „da izradi i Parlamentu dostavi tekst zakona o zabrani svih neofašističkih organizacija i upotrebe njihovih simbola, uključujući i zabranu ustaških i četničkih organizacija, kao i onih koje se naslanjaju na tradiciju Handžar divizije“ (citirano iz inicijative D.Bećirovića – op. sastavljača Zapisnika), jer je inicijativa Bećirovića realizirana usvajanjem zaključka na 28. sjednici Doma.

Dalje je u uvodnim napomenama predsjedavajući upoznao poslanike o dopunama ranije predloženog dnevnog reda, koje su usaglašene na Kolegiju i Kolegiju Doma u proširenom sastavu. Predsjedavajući je iznio tačke kojima je dopunjen prijedlog dnevnog reda, a to su:

- Prijedlog zakona o javnim putevima, prvo čitanje,
- Prijedlog zakona o izmjenama i dopunama Zakona o porezu na dodatu vrijednost, s Mišljenjem Komisije za finansije i budžet (predlagač: poslanik Momčilo Novaković),
- Izvještaj o radu i finansijskom poslovanju Javnog preduzeća NIO Službeni list BiH,
- Prijedlog zaključka poslanika Rifata Dolića o izradi i podnošenju informacije Vijeća ministara BiH o stanju i statusu imovine države, firmi i građana BiH u zemljama nastalim raspadom bivše SFRJ, s planom aktivnosti na njenoj zaštiti i preuzimanju od strane legalnih vlasnika i
- Sporazum između BiH i Kaljevine Norveške o finansiranju rekonstrukcije i obnove fasade zgrade Parlamentarne skupštine BiH.

U redosljedju tačaka 3. tačka prijedloga dnevnog reda pomjerena je na 19. mjesto.

U raspravi o prijedlogu dnevnog reda Denis Bećirović postavio je pitanje zašto na dnevnom redu ove sjednice nema tačke pod nazivom: Plan za provođenje Sporazuma o stabilizaciji i pridruživanju.

Predsjedavajući Lozančić upozorio je da poslanici pitanja mogu postavljati u okviru tačke „Poslanička pitanja i odgovori“.

U raspravi o prijedlogu dnevnog reda Denis Bećirović predložio je da se s dnevnog reda skine Prijedlog rezolucije o osudi komunističkih režima (predlagač: poslanik Momčilo Novaković), ili da je predlagač povuče. Iznio je i obrazloženje svog prijedloga.

U vezi s prijedlogom Denisa Bećirovića govorio je Momčilo Novaković.

Predsjedavajući je zatim rekao da se Dom neće izjašnjavati o prijedlogu Bećirovića za skidanje ove tačke, jer se radi o obaveznoj tački dnevnog reda.

Dalje su u vezi s ovim pitanjem diskutirali: Denis Bećirović, Branko Dokić, Jozo Križanović, Zlatko Lagumdžija, Momčilo Novaković i Lazar Prodanović.

U raspravi su neki poslanici prigovorili što se dnevni red dopunjava većim brojem novih tačaka, pa se zbog toga ne mogu pipremiti za kvalitetnu raspravu.

Predsjedavajući Lozančić podsjetio je da je dopune dnevnog reda utvrdio Kolegij u proširenom sastavu i da su i na sjednici Kolegija iznesene određene dileme, ali se Kolegij u proširenom sastavu ipak opredijelio da se u dnevni red uključe materijali koji su ispunili poslovničke uslove, kako bi poslanici o njima mogli raspravljati.

Poslije rasprave, predsjedavajući je rekao da nema nijedan konkretan prijedlog za izmjenu ili dopunu predloženog dnevnog reda, pa je konstatirao da 32. sjednica Predstavničkog doma ima sljedeći

## DNEVNI RED

1. Usvajanje Zapisnika 31. sjednice Predstavničkog doma;
2. Poslanička pitanja i odgovori;
3. Prijedlog zakona o izmjenama i dopunama Zakona o finansiranju političkih stranaka – predlagači: poslanici Šefik Džaferović, Niko Lozančić i Milorad Živković (drugo čitanje);
4. Prijedlog zakona o izmjenama i dopunama Zakona o udruženjima i fondacijama BiH (drugo čitanje);
5. Prijedlog zakona o zaštiti domaće proizvodnje u okviru Sporazuma CEFTA - predlagač: poslanik Jerko Ivanković Lijanović (drugo čitanje);
6. Prijedlog zakona o dopunama Zakona o upravnim sporovima (drugo čitanje);
7. Prijedlog zakona o izmjenama i dopunama Zakona o odlikovanjima BiH – predlagač: poslanik Beriz Belkić (prvo čitanje);
8. Prijedlog zakona o prestanku važenja Zakona o flaširanim pitkim vodama BiH (prvo čitanje);
9. Prijedlog zakona o javnim putevima (prvo čitanje);
10. Prijedlog zakona o izmjenama i dopunama Zakona o porezu na dodatu vrijednost, s Mišljenjem Komisije za finansije i budžet (predlagač: poslanik Momčilo Novaković);
11. Izvještaj Zajedničke komisije o usaglašavanju teksta Zakona o Fiskalnom vijeću BiH;
12. Godišnja platforma o obavještajno-sigurnosnoj politici (podnosilac: Predsjedništvo BiH);
13. Godišnji izvještaj Visokog sudskog i tužilačkog vijeća BiH za 2007. godinu;
14. Izvještaj o radu i finansijskom poslovanju Javnog preduzeća NIO Službeni list BiH za 2007. godinu;
15. Imenovanje ombudsmena u Instituciju ombudsmena za ljudska prava BiH (prijedlog liste Ad hoc komisije za imenovanje tri ombudsmena u Instituciju ombudsmena za ljudska prava BiH);
16. Prijedlog zaključaka Komisije za saobraćaj i komunikacije Predstavničkog doma povodom rasprave o tački: Poslovanje Javnog RTV servisa BiH i mjere za prevladavanje stanja utvrđenog revizorskim izvještajima o finansijskom poslovanju Javnog RTV servisa BiH za 2005. i 2006. godinu;
17. Izvještaj komisije Kolegija o nastojanju za postizanje sporazuma o prijedlogu zaključka poslanika Sadika Ahmetovića s 31. sjednice Doma ( u vezi sa sazivanjem sjednice Vijeća ministara BiH radi razmatranja Zahtjeva decertificiranih policajaca);
18. Izbor člana Visokog sudskog i tužilačkog vijeća BiH u skladu s članom 8. Zakona o VSTV-u;

19. Zahtjev Zajedničke komisije za administrativne poslove za razmatranje Prijedloga odluke o izmjenama Odluke o organizaciji Sekretarijata Parlamentarne skupštine BiH po hitnom postupku;
20. Promjene u članstvu komisija Doma, zajedničkih komisija oba doma i delegacija PSBiH (predlagači: klubovi poslanika),
21. Imenovanje tri člana u Zajedničku komisiju oba doma radi usaglašavanja teksta Zakona o jedinstvenom matičnom broju;
22. Prijedlog rezolucije o osudi komunističkih režima (podnosilac: poslanik Momčilo Novaković);
23. Prijedlog zaključka poslanika Rifata Dolića o izradi i podnošenju informacije Vijeća ministara BiH o stanju i statusu imovine države, firmi i građana BiH u zemljama nastalim raspadom bivše SFRJ s planom aktivnosti na njenoj zaštiti i preuzimanju od strane legalnih vlasnika;
24. Davanje saglasnosti za ratifikaciju:
  - a) Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije,
  - b) Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa,
  - c) Memoranduma o razumijevanju između Vijeća ministara BiH i Vlade Kanade – Kanadski projekat za mlade i zdravlje na Balkanu,
  - d) Memoranduma o razumijevanju između Vijeća ministara BiH i Vlade Kanade – Kanadski projekat u primarnoj zdravstvenoj zaštiti na Balkanu,
  - e) Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH.

#### **Ad. 1. Usvajanje Zapisnika 31. sjednice Predstavničkog doma**

O Zapisniku nije bilo rasprave. Usvojen je jednoglasno – sa 32 glasa "za" (22 iz Federacije BiH, 10 iz Republike Srpske).

#### **Ad. 2. Poslanička pitanja i odgovori**

Predsjedavajući Lozančić podsjetio je poslanike da su odgovore do ove sjednice na poslanička pitanja dobili:

- Husein Nanić – od Vijeća ministara BiH, na pitanje postavljeno na 19. sjednici,
- Rifat Dolić – od Vijeća ministara BiH, na pitanje postavljeno na 23. sjednici,
- Sadik Ahmetović – od Ministarstva pravde BiH, na pitanje postavljeno na 23. sjednici,
- Sadik Bahtić i Velimir Jukić - od Vijeća ministara BiH, na pitanja postavljena na 26. sjednici,
- Šefik Džaferović i Beriz Belkić – od Vijeća ministara BiH, na pitanja postavljena na 28. sjednici,
- Rifat Dolić – od Ministarstva civilnih poslova BiH, na pitanje postavljeno na 28. sjednici,
- Rifat Dolić – od Ministarstva sigurnosti BiH, na pitanje postavljeno na 30. sjednici,
- Ekrem Ajanović – od Kolegija Doma na inicijativu podnesenu na 30. sjednici i
- Husein Nanić – od Kolegija Doma na pitanja postavljena na 31. sjednici, u vezi s dostavljanjem materijala u elektronskoj formi.

Odgovore na pitanja komentirali su: Sadik Bahtić, Beriz Belkić, Šefik Džaferović, Mirko Okolić i Velimir Jukić.

U okviru komentara pitanja su ponovo postavili:

#### **Sadik Bahtić:**

“Pozivam Vijeće ministara BiH da pod hitno pristupi provođenju odluke ovog parlamenta o popisu i donošenju Zakona o oduzimanju nelegalno stečene imovine koju su građani BiH stvarali a

sada plodove uživa Udruženje građana, par pojedinaca. (...) Stoga, znači ovo je moje pitanje Vijeću ministara ovdje: Šta se čeka, nezakonito uzimaju ogromna sredstva, imaju crne fondove, finansiraju sve živo a to je imovina svih građana?"

#### **Šefik Džaferović:**

Komentirajući odgovor Ministarstva civilnih poslova BiH na pitanje u vezi s realizacijom zakona iz oblasti visokog obrazovanja, zatražio da se kao tačka dnevnog reda jedne od narednih sjednica Predstavničkog doma razmatra realizacija zakona iz oblasti obrazovanja te da podloga za raspravu bude materijal koji je Ministarstvo dostavilo, a koji može biti i doraden.

#### **Mirko Okolić:**

Ponovio ranije postavljeno pitanje u vezi sa izgradnjom zaobilaznice oko Sarajeva: „**Šta se misli privremeno uraditi do završetka petlje? Ja svoje poslaničko pitanje ponavljam, koje sam u ranijoj formi dao**“.

Postavljena su nova poslanička pitanja kako slijedi:

#### **Slavko Jovičić:**

1. Kada će biti ispoštovana Odluka o konstitutivnosti naroda i ravnopravnoj zastupljenosti?
2. Kada će se početi vraćati imovina Srpske pravoslavne crkve u Sarajevu?"

#### **Denis Bećirović:**

1. „Zašto Vijeće ministara BiH ne pristupi realizaciji tačke 3. u Rezoluciji o ubrzavanju procesa pristupanja Bosne i Hercegovine u članstvo Evropske unije, a koja je objavljena u "Službenom glasniku BiH", br. 25/08? Podsjećam da je Vijeće ministara BiH bilo dužno odmah pristupiti jasnom definiranju Plana za provođenje Sporazuma o stabilizaciji i pridruživanju.“

2. „Pitam predsjedavajućeg Predstavničkog doma: Šta ste konkretno učinili u pravcu realizacije tačke 6., 8. i 9. Rezolucije o ubrzavanju procesa pristupanja Bosne i Hercegovine u članstvo Evropske unije, a koja je objavljena u "Službenom glasniku BiH", br. 25/08?“

#### **Husein Nanić:**

„1. Da li u BiH postoji jedinstven registar svih kredita na koje je PSBiH dala saglasnost i ako postoji, molim da mi se dostavi njihov popis.

2. Na osnovu kojih kriterija i po kojim procedurama se pokreće zahtjev za dobivanje povoljnih kredita i ko o tome odlučuje i utvrđuje prioritete, jer je činjenica da je PSBiH do sada dala saglasnost na mnoge kreditne sporazume a da ti kriteriji nisu objašnjeni?“

#### **Šemsudin Mehmedović:**

1. „Šta će Vijeće ministara BiH i Državna komisija za granice uraditi da se vrati Bosni i Hercegovini morski zemljouž, Sutorina, veličine 75 km<sup>2</sup> s dvije katastarske općine Sutorina i Kruševica, dužine od 7 km bh.obale koju su bez ugovora prilikom primjene Uredbe o razgraničenju između federalnih republika Bosne i Hercegovine, Crne Gore, Hrvatske i Srbije nezakonito inkorporirali – unijeli u sastav Republike Crne Gore pa bi se, na osnovu navedenih činjenica, ova teritorija Sutorine trebala smatrati integralnim dijelom države Bosne i Hercegovine s obzirom na nepovredivost avnojskih granica.

2. Da li će Predstavnički dom, Vijeće ministara BiH i Državna komisija, s tim u vezi prići, u okviru svojih nadležnosti, rješavanju ovog pitanja na jednak način sa ostalim aktuelnim teritorijalnim razgraničenjima koja se vode između bivših republika nakon disolucije SFR Jugoslavije?“

#### **Lazar Prodanović:**

1. „Molim da mi odgovorite kada će Vijeće ministara BiH uputiti u parlamentarnu proceduru Kairsku rezoluciju o stanovništvu i razvoju, koja je usvojena na Međunarodnoj konferenciji, u septembru 1994. u Kairu, radi ratifikacije, s obzirom na poseban značaj ovog dokumenta za Bosnu i Hercegovinu, u kojoj je zabrinjavajuće niska stopa prirodnog priraštaja stanovništva?“

2. „Prema nekim nezvaničnim informacijama, u jednom broju institucija, čiji je osnivač Bosna i Hercegovina, istekao je mandat rukovodilaca i upravnih odbora. Da li je to tačno?

Molim da mi se dostavi spisak institucija čiji je osnivač Bosna i Hercegovina u kojima je mandat imenovanih odgovornih lica u upravljačkoj strukturi (rukovodioci i upravni odbori) istekao i kada, kao i njihova imena, i kada će osnivač pokrenuti postupak izbora novih članova?“

#### **Rifat Dolić:**

1. „Upućujem inicijativu Vijeću ministara BiH za izradu strategije zaštite ekonomije i građana BiH od nekontroliranog rasta cijena izazvanog rastom potrošnje i cijena energenata na svjetskom tržištu.“

2. „Na koji način su u BiH normativno uređeni finansiranje i kontrola finansiranja vjerskih zajednica?“

#### **Remzija Kadrić:**

„Polazeći od konstatacije Upravnog odbora Vijeća za provođenje mira u BiH, od 25. juna 2008., u kojem se navodi „da državni i entitetski organi vlasti već četiri godine ne uspijevaju postići sporazum o prvom cilju (raspolaganje državnom imovinom) ...**tražim od Vijeća ministara BiH da mi dostavi potpunu informaciju u vezi s ovim pitanjem te o tome da li ima slučajeva kršenja odredbi pomenutih zakona, i u kojim slučajevima i iz kojih razloga je bilo izuzimanja određene državne imovine od zabrane privremenog raspolaganja njome.**“

#### **Sadik Bahtić:**

„Tražim od Vijeća ministara BiH da mi odgovori na sljedeća pitanja u vezi s prodajom monetarnog zlata koje je poslanik Zlatko Lagumdžija u vrijeme Alijanse prodao i oštetio državni budžet za ogromna sredstva:

- a) Želim da mi se odgovori postoji li odluka Vijeća ministara BiH ili Parlamentarne skupštine BiH o prodaji monetarnog zlata koje su naši preci stoljećima mukotrпно sakupljali i čuvali u najsigurnijim trezorima banaka?
- b) Kolika je prodajna cijena državnog zlata i koja je cijena u tom periodu bila na svjetskom tržištu jer, po mojim pouzdanim informacijama, zlato je prodato po dosta nižoj cijeni od tržišne, a nakon te štetne prodaje, država Bosna i Hercegovina dnevno je gubila i po 12.000.000,00\$?
- c) Šta je Vijeće ministara BiH u tom periodu rukovalo da se oslobodi rezervi monetarnog zlata i u šta su pare potrošene?
- d) Da li je tačno da su se od prodajne cijene zlata državni i entitetski vrhovi obavezali da će najmanje 10% sredstava od prodaje namijeniti razvoju i upotrijebiti za finansiranje ljudskih resursa, novog poduzetničkog društva i za edukaciju iz oblasti informacionih tehnologija, kako bi Lagumdžija sebi i svojim prijateljima otvorio prostor za ubiranje honorara?“

#### **Jovan Todorović:**

„Kada se mogu očekivati grantovi za finansiranje poljoprivrede i ruralnog razvoja sredstava iz pretpristupnih fondova Evropske unije?“

#### **Adem Huskić:**

„Da li je Ministarstvo civilnih poslova BiH krenulo s aktivnostima u pravcu primjene Zakona o sportu u BiH, odnosno u izradu podzakonskih akata? Ako jeste, dokle se došlo? Ako nije, apelujem na Ministarstvo da taj posao počne raditi što prije, kako bi se ova važna društvena djelatnost što kvalitetnije definirala i postavila na „zdrave noge“. **Na ovo pitanje na sjednici je odgovorio ministar civilnih poslova BiH Sredoje Nović.**

#### **Vinko Zorić:**

„Zajedničkoj komisiji za ljudska prava, prava djeteta, mlade, imigracije, izbjeglice, azil i etiku podnio je sljedeću inicijativu:

Vlada FBiH donijela je Uredbu po kojoj nosioci odlikovanja (zlatni ljiljan, trolist...) i komandanti do određenog nivoa mogu ići u prijevremenu i povlaštenu penziju. Sadržajno, u toj odluci nema ništa sporno u smislu ko i pod kojim uslovima može ostvariti to pravo. Sporan je rok! Naime, taj rok istekao je jer je bilo ograničeno vrijeme podnošenja zahtjeva. Mišljenja sam da stečena prava ne može niko oduzeti i želim da navedena komisija ispita tu odluku (Uredbu) i da mi odgovori krše li se na taj način ljudska prava onima koji su stekli te uslove a nisu u datom momentu podnijeli zahtjev? To pravo trebalo bi biti trajno a pravo je onoga ko ga je stekao kad će i hoće li to pravo koristiti.“

**Ad. 3. Prijedlog zakona o izmjenama i dopunama Zakona o finansiranju političkih stranaka – predlagači poslanici: Šefik Džaferović, Niko Lozančić i Milorad Živković (drugo čitanje)**

Prvi zamjenik predsjedavajućeg Doma Beriz Belkić (u ovom dijelu predsjedavao sjednicom) u uvodnim napomenama za ovu tačku dnevnog reda podsjetio je prisutne da je na Proširenom kolegiju Doma iznesena primjedba da amandmani poslanika Joze Križanovića nisu razmatrani u komisijskoj fazi, iako su blagovremeno podneseni ali nisu dostavljeni nadležnoj komisiji. Također je rekao da je Momčilo Novaković prigovorio što nije pozvan na sjednicu kao podnosilac amandmana. Zbog navedenog Prošireni kolegij ocijenio je da bi trebalo omogućiti da Komisija razmotri i amandmane Joze Križanovića.

Šefik Džaferović kratko je govorio u ime predlagača Zakona.

Prilikom glasanja Dom se izjasnio o prijedlogu **da se odgodi izjašnjavanje o Prijedlogu predmetnog zakona i zadužio Komisiju za finansije i budžet da razmotri amandmane poslanika Joze Križanovića i Domu dostavi novi izvještaj o Prijedlogu zakona.**

Ovaj prijedlog usvojen je sa 30 glasova "za" (Federacija BiH 20, RS 10) i dva "suzdržana" glasa.

**Ad. 4. Prijedlog zakona o izmjenama i dopunama Zakona o udruženjima i fondacijama BiH (drugo čitanje)**

Beriz Belkić, prvi zamjenik predsjedavajućeg, podnio je kraće uvodne napomene.

Šefik Džaferović govorio je u ime nadležne komisije.

Dom je jednoglasno, sa 33 glasa "za" (Federacija BiH 22, RS 11), usvojio u predloženom tekstu Zakon o udruženjima i fondacijama BiH.

**Ad. 5. Prijedlog zakona o zaštiti domaće proizvodnje u okviru Sporazuma CEFTA - predlagač: poslanik Jerko Ivanković Lijanović (drugo čitanje)**

Poslije uvodnih napomena predsjedavajućeg, u raspravi u okviru ove tačke učestvovali su: Bakir Izetbegović, Selim Bešliagić, Momčilo Novaković, Slavko Jovičić, Jerko Ivanković Lijanović, Bajazit Jašarević, Mirko Okolić, Snježana Rajilić, Jozo Križanović, Azra Hadžiahmetović, Savo Erić, Drago Kalabić, Šefik Džaferović, Velimir Jukić i Niko Lozančić.

U ime Udruženja poljoprivrednika BiH govorio je Sead Jeleč, a u ime resornog ministarstva zamjenik ministra Vilim Primorac.

Prilikom glasanja Dom je usvojio zaključke koje je predložio Klub SDA (prva tri zaključka) i jedan zaključak koji je predložio Mirko Okolić (četvrti zaključak) u Zapisniku. Zaključci Kluba SDA usvojeni su sa 22 glasa "za" (Federacija BiH 15, RS sedam), šest "protiv" i pet "suzdržanih", a zaključak Mirka Okolića usvojen je sa 21 glasom "za" (Federacija BiH 11, RS 10), jednim "protiv" i 11 "suzdržanih". Usvojeni su sljedeći zaključci:

1. **Odgada se do kraja godine izjašnjavanje o Zakonu o zaštiti domaće proizvodnje u okviru Sporazuma CEFTA.**
2. **Zadužuje se Vijeće ministara BiH i nadležno ministarstvo da do tada pripremi sveobuhvatnu analizu efekata primjene CEFTA-e i Sporazuma o stabilizaciji i pridruživanju na vanjskotrgovinski bilans BiH.**

3. **Zadužuje se Vijeće ministara BiH da do kraja godine pripremi eventualne izmjene i dopune zakonskih propisa i podzakonskih akata kojima bi se u novonastalim okolnostima olakšalo privređivanje bosanskohercegovačkih privrednih subjekata, s posebnim akcentom na poljoprivredne proizvođače.**
4. **Evidentno je da je potpisivanjem Sporazuma CEFTA i Sporazuma o stabilizaciji i pridruživanju Evropskoj uniji značajno ugrožena domaća proizvodnja. Zbog toga se zadužuje Vijeće ministara BiH da u što kraćem roku izradi strategiju za zaštitu domaće proizvodnje po svim segmentima i dostavi je Domu na razmatranje i usvajanje.**

U raspravi je poslanik Snježana Rajilić predložila zaključak, koji je tokom glasanja, u njenom odsustvu, u ime Kluba povukao Slavko Jovičić.

#### **Ad. 6. Prijedlog zakona o dopunama Zakona o upravnim sporovima (drugo čitanje)**

Poslije uvodnih napomena predsjedavajućeg u ime nadležne komisije kratko je govorio Šefik Džaferović.

Prilikom glasanja Zakon je usvojen u predloženom tekstu, sa 28 glasova "za" (Federacija BiH 17, RS 11) i dva "suzdržana".

#### **Ad . 7. Prijedlog zakona o izmjenama i dopunama Zakona o odlikovanjima BiH – predlagač: poslanik Beriz Belkić (prvo čitanje)**

Poslije uvodnih napomena predsjedavajućeg, nije bilo rasprave.

Prijedlog zakona u prvom čitanju usvojen je sa 29 glasova "za" (Federacija BiH 21, RS osam), tri "protiv" i jednim "suzdržanim".

#### **Ad. 8. Prijedlog zakona o prestanku važenja Zakona o flaširanim pitkim vodama BiH (prvo čitanje)**

Poslije uvodnih napomena predsjedavajućeg, diskutirao je Selim Bešliagić.

Sa 30 glasova "za" (Federacija BiH 19,RS 11) i dva "suzdržana", usvojen je Prijedlog zakona u prvom čitanju.

#### **Ad. 9. Prijedlog zakona o javnim putevima (prvo čitanje)**

Poslije uvodnih napomena predsjedavajućeg, ministar komunikacija i prometa BiH Božo Ljubić podnio je Domu obrazloženje Prijedloga zakona.

U raspravi su učestvovali: Momčilo Novakovi, Martin Raguž, Husein Nanić, Branko Dokić, Halid Genjac, Ekrem Ajanović, Šefik Džaferović, Drago Kalabić, Slavko Matić, Adem Huskić i Selim Bešliagić.

Prilikom glasanja Prijedlog zakona u prvom čitanju nije dobio entitetsku većinu. "Za" je glasao 21 poslanik (Federacija BiH 18, RS tri), "protiv" tri, "suzdržalo" se devet poslanika.

O Prijedlogu zakona bit će provedeno usaglašavanje u Kolegiju kao komisiji.

#### **Ad. 10. Prijedlog zakona o izmjenama i dopunama Zakona o porezu na dodatu vrijednost, s Mišljenjem Komisije za finansije i budžet (predlagač: poslanik Momčilo Novaković)**

Predsjedavajući Lozančić podnio je uvodne napomene o Prijedlogu zakona u kojim je, pored ostalog, podsjetio poslanike da Dom odlučuje o Mišljenju Komisije koje je negativno, tj. Komisija nije prihvatila Prijedlog zakona.

Sadik Bahtić obrazložio je Mišljenje Komisije.

U raspravi su učestvovali: Momčilo Novaković, Mirko Okolić, Branko Dokić, Bajazit Jašarević, Jozo Križanović, Adem Huskić, Selim Bešliagić i Lazar Prodanović.

Prilikom glasanja Dom je usvojio Mišljenje Komisije za finansije i budžet o Prijedlogu zakona iz ove tačke. "Za" Mišljenje glasalo je 20 poslanika (iz Federacije BiH 14, iz RS šest), 12 je glasalo "protiv", a jedan se "suzdržao".

Predsjedavajući Lozančić konstatirao je da je Prijedlog zakona o izmjenama i dopunama Zakona o porezu na dodatu vrijednost pao.

#### **Ad. 11. Izvještaj Zajedničke komisije o usaglašavanju teksta Zakona o Fiskalnom vijeću BiH**

O Izvještaju je diskutirao Momčilo Novaković, a Velimir Jukić govorio je u ime Zajedničke komisije za usaglašavanje teksta Zakona.

Dom je, sa 23 glasa "za" (Federacija BiH 16, RS sedam), tri "protiv" i sedam "suzdržanih", usvojio Izvještaj Zajedničke komisije.

#### **Ad. 12. Godišnja platforma o obavještajno-sigurnosnoj politici (podnosilac: Predsjedništvo BiH)**

Poslije uvodnih napomena predsjedavajućeg, o Platformi je diskutirao Martin Raguž. Mirko Okolić govorio je u ime nadležne Zajedničke obavještajno-sigurnosne komisije za nadzor nad radom OSABiH.

Platforma je usvojena sa 27 glasova "za" (Federacija BiH 16, RS 11) i šest "suzdržanih".

#### **Ad. 13. Godišnji izvještaj Visokog sudskog i tužilačkog vijeća BiH za 2007. godinu**

Poslije uvodnih napomena predsjedavajućeg, u raspravi o ovoj tački učestvovali su: Snježana Rajilić, Rifat Dolić, Husein Nanić, Šefik Džaferović, Momčilo Novaković, Martin Raguž, Ekrem Ajanović, Azra Hadžiahmetović, Slavko Jovičić i Šemsudin Mehmedović. U ime Visokog sudskog i tužilačkog vijeća BiH, govorio je Milorad Novković, predsjednik tog vijeća.

Zaključke su u raspravi predložili: Snježana Rajilić, u ime Kluba SNSD-a, Rifat Dolić, Husein Nanić i Momčilo Novaković.

Prilikom glasanja Izvještaj iz ove tačke nije dobio entitetsku većinu – "za" su glasala 22 poslanika (iz Federacije BiH 19, iz RS tri), "protiv" su glasala tri, "suzdržalo" se devet poslanika.

Predsjedavajući je konstatirao da će se o Godišnjem izvještaju VSTVBiH za 2007. godinu provesti usaglašavanje u Kolegiju kao komisiji.

S obzirom na ovakav ishod glasanja, Dom se nije izjašnjavao o predloženim zaključcima, pa će se o njima glasati nakon postupka usaglašavanja o Izvještaju.

S obzirom da je sjednica dugo trajala, predsjedavajući je sazvao sjednicu Kolegija u proširenom sastavu radi konsultacija o daljnjem radu na realizaciji dnevnog reda. Nakon konsultacija predsjedavajući je iznio prijedlog Proširenog kolegija – da se sjednica u ovom dijelu prekine i da se nastavi 14. jula u 11 sati. Ovaj prijedlog dao je na glasanje.

Sa 31 glasom "za" (Federacija BiH 12, RS 11), dva "protiv" i jednim "suzdržanim", usvojen je prijedlog Kolegija u proširenom sastavu.

Prvi dio sjednice završen je u 18,30 sati.

**Nastavak** sjednice, održan 14. 7. 2008., počeo je u 11 sati. Prisustvovala su 33 poslanika. Opravdano su odsustvovali: Azra Alajbegović, Adem Huskić, Mehmed Suljkanović, Milorad Živković, Milica Marković, Snježana Rajilić, Jozo Križanović, Martina Raguž i Sead Jamakosmanović.

Iz Vijeća ministara BiH prisustvovao je ministar Božo Ljubić, a iz međunarodnih organizacija predstavnici: OHR-a, OSCE-a, EUSR-a, te nevladinih organizacija Centara civilnih inicijativa i Helsinškog komiteta za ljudska prava.

Sjednici je prisustvovao predstavnik JPNIO Službeni list BiH.

Sjednica je nastavljena na 14. tački usvojenog dnevnog reda.



#### **Ad. 14. Izvještaj o radu i finansijskom poslovanju Javnog preduzeća Novinsko-izdavačka organizacija Službeni list BiH za 2007. godinu**

Predsjedavajući Doma Niko Lozančić iznio je osnovne uvodne napomene o ovoj tački dnevnog reda.

Sadik Bahtić govorio je u ime nadležne Komisije za finansije i budžet.

U raspravi su učestvovali: Selim Bešlagić, Drago Kalabić, Lazar Prodanović, Velimir Jukić, Momčilo Novaković, Mirko Okolić, Savo Erić, Husein Nanić, Slavko Jovičić, Remzija Kadrić i Bakir Izetbegović.

Prilikom glasanja, Dom se prvo izjasnio o zaključcima Kluba SNSD-a u tri tačke i zaključcima Momčila Novakovića u dvije tačke.

O prijedlogu zaključaka Kluba SNSD-a glasalo se u paketu. "Za" je glasalo 13 (iz RS-a devet, iz Federacije BiH četiri), "protiv" 10, "suzdržalo" se 10 poslanika. Predsjedavajući je konstatirao da zaključci nisu dobili entitetsku većinu i da idu na usaglašavanje u Kolegij kao komisiju.

Klub SNSD-a predložio je sljedeće zaključke:

1. Zadužuje se Vijeće ministara BiH da uradi Prijedlog zakona o Službenom listu BiH i dostavi ga u parlamentarnu proceduru u roku od 60 dana, kao i da urgentno riješi pitanje pravnog statusa JPNIO Službeni list BiH.
2. Zadužuje se Vijeće ministara BiH da, povodom rasprave o Izvještaju o finansijskom poslovanju JPNIO Službeni list BiH za 2007.godinu, kao i predloženih zaključaka Predstavničkog doma, pripremi sveobuhvatnu analizu i da donese prijedlog sveobuhvatnih mjera za rješavanje problema u ovoj instituciji i dostavi ih Predstavničkom domu u roku od 60 dana.
3. Zadužuje se rukovodstvo Službenog lista BiH da uređivačku politiku uskladi sa zahtjevima korisnika, kako bi ovako značajno glasilo učinilo funkcionalnijim.

Momčilo Novaković zatražio je da se o njegovom prijedlogu zaključaka glasa pojedinačno.

Zaključak br. 1. dobio je 16 glasova "za" (Federacija BiH sedam, RS devet), 15 poslanika glasalo je "protiv", dva su se "suzdržala". Predsjedavajući je konstatirao da prijedlog ovog zaključka nije dobio entitetsku većinu i da ide na usaglašavanje. Predloženi zaključak glasi:

"Obavezuje se Vijeće ministara BiH da, uz izvještaje koje dostavlja Parlamentarnoj skupštini BiH, dostavi i pismeni stav o tim njima."

Drugi zaključak Novakovića nije usvojen. "Za" je glasalo 13, "protiv" 17, "suzdržala" su se tri poslanika. Sadržaj zaključka je sljedeći:

„Odgada se izjašnjavanje o Izvještaju o radu i finansijskom poslovanju JPNIO Službeni list BiH za 2007. godinu dok menadžment i uprava Preduzeća, te Vijeće ministara BiH ne dostave stavove po primjedbama iznesenim u raspravi u Predstavničkom domu.“

Zatim je predsjedavajući na glasanje dao amandman koji je Remzija Kadrić podnio na zaključke u Izvještaju Komisije za finansije i budžet, koji glasi:

„U prvom redu brišu se riječi: **„riješi pravni status Službenog lista BiH i“**. "Za" amandman je glasalo 19 (Federacija BiH 16, RS tri), "protiv" sedam, "suzdržalo" se šest poslanika. Predsjedavajući je konstatirao da ni amandman Kadrića nije dobio entitetsku većinu i da će se provesti usaglašavanje u Kolegiju kao komisiji.

Šefik Džaferović iznio je stav da treba odgoditi glasanje o Izvještaju Službenog lista BiH, kao i o Izvještaju nadležne komisije, dok se ne provede procedura o amandmanu na zaključke Komisije.

Predsjedavajući je konstatirao da se odgađa izjašnjavanje o Izvještaju o radu i finansijskom poslovanju Javnog preduzeća Novinsko-izdavačka organizacija Službeni list BiH za 2007. godinu, sa Izvještajem nadležne komisije, dok se ne provede procedura o amandmanu.

**Ad. 15.** Imenovanje ombudsmena u Instituciju ombudsmena za ljudska prava BiH  
(prijedlog liste Ad hoc komisije za imenovanje tri ombudsmena u Instituciju  
ombudsmena za ljudska prava BiH)

U uvodnim napomenama predsjedavajući je podsjetio na proceduru koju je provela Ad hoc komisija za izbor ombudsmena, te na odredbe Zakona o ombudsmenu za ljudska prava BiH koje se odnose na imenovanje. Predsjedavajući je obavijestio da je četvrti kandidat s liste bošnjačkog naroda Enes Hašić obavijestio Dom da povlači svoju kandidaturu za ombudsmena.

U raspravi su učestvovali: Rifat Dolić, Bakir Izetbegović, Drago Kalabić, Sadik Ahmetović, Ekrem Ajanović, Šefik Džaferović, Denis Bećirović, Vinko Zorić, Sadik Bahtić, Slavko Jovičić, Beriz Belkić, Branko Dokić, Zlatko Lagumdžija, Halid Genjac, Savo Erić i Niko Lozančić.

Prilikom glasanja predsjedavajući Lozančić konstatirao je da je u raspravi bilo više prijedloga o kojima su izvršene konsultacije i na Proširenom kolegiju Doma, pa je na glasanje dao sljedeće prijedloge:

**Prvi** - da se o prijedlogu Ad hoc komisije tajno glasa. Ovaj prijedlog nije usvojen. "Za" je glasalo 13, "protiv" 19, "suzdržao" se jedan poslanik.

**Drugi** prijedlog bio je da se, na osnovu prijedloga Ad hoc komisije, sačini jedinstvena lista kandidata prema broju bodova i da se tim redoslijedom glasa. Ako ovaj prijedlog ne bude usvojen, izjašnjavanje će se izvršiti prema prijedlogu Komisije, redoslijedom koji je u Izvještaju sačinila Komisija, rekao je predsjedavajući, pa je ovaj prijedlog dao na glasanje.

"Za" ovaj prijedlog glasalo je 14, "protiv" 18, "suzdržao" se jedan poslanik.

Predsjedavajući je konstatirao da nije usvojen ni ovaj prijedlog, te da će se glasanje izvršiti o listama koje je sačinila Ad hoc komisija, redoslijedom kao u Izvještaju Komisije.

Prvo se glasalo o listi iz srpskog naroda.

"Za" prvog kandidata iz srpskog naroda Radu Kafedžić glasalo je 14 (Federacija BiH 13, RS jedan), "protiv" 12, "suzdržalo" se šest poslanika.

Predsjedavajući je konstatirao da za ovu kandidatkinju nema entitetske većine, a Branko Dokić rekao je da se u ovom slučaju ne bi trebalo provoditi usaglašavanje, već da se glasa o svim kandidatima, pa ko dobije najviše glasova, smatrat će se imenovanim.

Predsjedavajući Lozančić rekao je da ima tumačenje sekretara Doma, pošto je Zakonom propisano da se istovremeno biraju tri ombudsmena u Instituciju ombudsmena, da se može odgoditi glasanje o svim kandidatima dok se ne provede usaglašavanje o ovom kandidatu. Drugi je prijedlog da se napravi pauza i da se izvrše konsultacije. Zatim je dao pauzu.

Poslije pauze predsjedavajući je iznio stav Proširenog kolegija da se glasanje ponovi, ali da će se ako, i poslije konsultacija u Proširenom kolegiju, bilo koji kandidat dobije opću a ne dobije entitetsku većinu, glasanje o ostalim kandidatima prekinuti do završetka procedure usaglašavanja. Zatim je izvršeno glasanje, kako slijedi:

Prvi kandidat s liste iz srpskog naroda Rada Kafedžić - "za" glasalo pet, "protiv" 21, "suzdržala" se tri poslanika - nije dobila većinu.

Drugi kandidat Ljubomir Sandić - "za" glasala 23 (Federacija BiH 16, RS sedam), "protiv" pet, "suzdržala" se dva poslanika.

Predsjedavajući je konstatirao da je Ljubomir Sandić imenovan za ombudsmena iz srpskog naroda te da se o ostalim kandidatima s liste neće glasati.

Usljedio je glasanje o kandidatima s liste iz hrvatskog naroda.

Prvi kandidat Branka Raguz - "za" glasalo šest, "protiv" 20, "suzdržan" jedan poslanik - nije dobila većinu.

Drugi kandidat Ivo Bradvica - "za" glasalo sedam, "protiv" 15, "suzdržalo" se osam - nije dobio većinu.

Treći kandidat Željka Klobučar - "za" glasala tri, "protiv" 18, "suzdržalo" se šest - nije dobila većinu.

Četvrti kandidat Mariofl Ljubić - "za" glasala 24 (Federacija BiH 16, RS osam), "protiv" dva, "suzdržana" četiri poslanika.

Predsjedavajući je konstatirao da je Mariofil Ljubić imenovan za ombudsmena iz hrvatskog naroda, te da se o ostala dva kandidata neće glasati.

Dalje je glasalo o kandidatima s liste iz bošnjačkog naroda.

Prvi kandidat Jasminka Džumhur - "za" glasalo pet, "protiv" 15, "suzdržalo" se deset poslanika - nije dobila većinu.

Drugi kandidat Amira Krehić - "za" glasalo pet, "protiv" 17, "suzdržalo" se osam - nije dobila većinu.

Treći kandidat Esad Muhibić - "za" glasalo sedam, "protiv" 16, "suzdržalo" se sedam - nije dobio većinu.

Četvrti kandidat Zijad Hasić - "za" glasalo 10, "protiv" 11, "suzdržalo" se devet - nije dobio većinu.

Peti kandidat Emina Halilović - "za" glasala 22 (Federacija BiH 15, RS sedam), "protiv" pet, "suzdržana" su bila dva poslanika.

Predsjedavajući je konstatirao da je za ombudsmena iz bošnjačkog naroda imenovana Emina Halilović. O ostala tri kandidata s liste nije se glasalo, kao ni o kandidatu iz reda ostalih.

**Ad. 16. Prijedlog zaključaka Komisije za saobraćaj i komunikacije povodom rasprave o tački: Poslovanje Javnog RTV servisa BiH i mjere za prevladavanje stanja utvrđenog revizorskim izvještajima o finansijskom poslovanju Javnog RTV servisa BiH za 2005. i 2006. godinu**

Poslije uvodnih napomena predsjedavajući Komisije za saobraćaj i komunikacije Branko Dokić ukratko je obrazložio prijedlog zaključaka koje je Komisija podnijela Domu na usvajanje.

U raspravi su učestvovali: Jerko Ivanković Lijanović, Momčilo Novaković, Velimir Jukić, Slavko Jovičić, Selim Bešlagić, Denis Bećirović, Drago Kalabić, Sadik Bahtić, Mirko Okolić i Branko Dokić.

Prilikom glasanja Dom se prvo izjasnio o prijedlogu Momčila Novakovića da se pojedinačno glasa o prijedlozima zaključaka Komisije. Prijedlog je usvojen sa 23 glasa "za" (Federacija BiH 16, RS sedam), pet "protiv" i dva "suzdržana".

Većinom glasova i dovoljnom entitetskom većinom, usvojeni su zaključci Komisije, osim zaključka pod brojem 4. koji glasi:

„4. Predstavnički dom Parlamentarne skupštine BiH traži od Vijeća ministara BiH da nastavi plaćati zakup satelita i da interventno osigura sredstva za potrebe Javnog RTV servisa BiH na osnovu članstva u međunarodnim asocijacijama“. Ovaj zaključak nije dobio entitetsku većinu - "za" glasalo 15 (Federacija BiH 12, RS tri), "protiv" četiri, "suzdržalo" se sedam poslanika. Prema tome, o ovom zaključku slijedi usaglašavanje u Kolegiju kao komisiji.

Poslije glasanja o zaključcima Komisije, Dom se izjasnio o zaključcima predloženim u raspravi, kako slijedi:

Zaključak Jerka Ivankovića Lijanovića, koji glasi:

„Zadužuje se Vijeće ministara BiH da u roku od 90 dana uradi rebalans budžeta institucija BiH u kojem će predvidjeti 10.000.000 KM nepovratnih sredstava za potrebe Javnog RTV servisa BiH.“ Zaključak nije dobio entitetsku većinu pa će se provesti usaglašavanje u Kolegiju kao komisiji. "Za" je glasao 21 (Federacija BiH 18, RS tri), "protiv" 12 poslanika.

Zaključak koji je predložio Mirko Okolić nije usvojen. "Za" glasalo šest, "protiv" 21, "suzdržan" jedan poslanik. Sadržaj prijedloga zaključka je sljedeći:

„Na osnovu čl. 29. st. 1. i čl. 30. st. 3. i 4., osnovati privremenu komisiju koja bi, uz angažiranje stručnjaka, predložila prevazilaženje problema u poslovanju Javnog RTV servisa po svim osnovama“.

Prema iznesenom, Dom je u okviru ove tačke usvojio sljedeće

## ZAKLJUČKE

1. Predstavnički dom Parlamentarne skupštine BiH informiran je o sadržaju dokumenta "Stanje i plan konsolidacije poslovanja BHRT-a", te zadužuje Upravni odbor BHRT-a da u trećem

- kvartalu 2008. godine dostavi Parlamentarnoj skupštini BiH izvještaj o efektima preduzetih mjera u vezi s revizorskim izvještajima i o programu mjera za dugoročnu finansijsku stabilizaciju BHRT-a.
2. Predstavnički dom Parlamentarne skupštine BiH zalaže se za zakonito i stabilno poslovanje BHRT-a i snažno podržava istinito, potpuno, nepristrasno, pravedno i blagovremeno informiranje javnosti o svim događajima u Bosni i Hercegovini te za ostvarivanje prava na informiranje javnosti, ravnopravno na jezicima koji su u službenoj upotrebi u Bosni i Hercegovini u skladu s međunarodnim i evropskim propisima i standardima, kao i odredbama Ustava BiH.
  3. Predstavnički dom Parlamentarne skupštine BiH traži od Upravnog odbora Javnog RTV sistema BiH, kao i Upravnog odbora i rukovodstva BHRT-a da iskoriste sve zakonske mogućnosti da od entitetskih emitera naplate potraživanja BHRT-a po svim osnovama.
  4. Predstavnički dom Parlamentarne skupštine BiH zahtijeva da Upravni odbor i rukovodstvo BHRT-a racionaliziraju poslovanje i iskoriste sve unutrašnje rezerve koje mogu dovesti do finansijske konsolidacije, te da se provedu sve preporuke Ureda za reviziju institucija BiH.
  5. Predstavnički dom Parlamentarne skupštine BiH daje punu podršku tehničko-tehnološkoj obnovi Javnog RTV sistema BiH i poziva nadležne institucije u Bosni i Hercegovini da mu pomognu u procesu prelaska s analogne na digitalnu televiziju.
  6. Predstavnički dom Parlamentarne skupštine BiH traži od Upravnog odbora Javnog RTV sistema BiH i Upravnog odbora BHRT-a da, u skladu sa ustavnim odredbom o konstitutivnosti naroda i ravnopravnosti Srba, Hrvata, Bošnjaka i ostalih u Bosni i Hercegovini, što prije predloži program mjera za uspostavljanje izbalansirane nacionalne zastupljenosti rukovodećeg, uredničkog i novinarskog kadra u cjelokupnom Javnom RTV sistemu BiH.
  7. Predstavnički dom Parlamentarne skupštine BiH zahtijeva od Upravnog odbora i rukovodstva BHRT-a hitne unutrašnje i finansijske, tehnološke, kadrovske i programske reforme koje bi se provele prije uspostavljanja Korporacije javnih RTV servisa, u skladu s Planom restrukturiranja iz 2004. godine, Zakonom o Javnom RTV servisu BiH i drugim mogućnostima koje stoje na raspolaganju, a u skladu sa standardima i preporukama Evropske unije.
  8. Idući ususret uspostavljanju Korporacije, zadužuju se Upravni odbor BHRT-a i Upravni odbor Javnog RTV sistema BiH da, u skladu s čl. 12. i 29. Zakona o Javnom RTV sistemu BiH, definiraju organizacionu, tehnološku i proizvodnu ulogu organizacionih jedinica u Sarajevu, Banjoj Luci i Mostaru te broj zaposlenih u svakoj od njih.
  9. Zaduju se Upravni odbor BHRT-a i Upravni odbor Javnog RTV sistema BiH da, najkasnije do kraja jula 2008.godine, preduzmu sve radnje u skladu s postojećim zakonima s ciljem osiguranja adekvatnih uslova na tržištu marketinških usluga Bosne i Hercegovine i da Upravni odbor BHRT-a o tome informira Predstavnički dom Parlamentarne skupštine BiH najkasnije do kraja augusta 2008.godine.

**Ad. 17. Izvještaj komisije Kolegija o nastojanju za postizanje sporazuma o prijedlogu zaključka poslanika Sadika Ahmetovića s 31. sjednice Doma ( u vezi sa sazivanjem sjednice Vijeća ministara BiH radi razmatranja Zahtjeva decertificiranih policajaca)**

Predsjedavajući je podsjetio da je u Kolegiju provedeno usaglašavanje i da nema saglasnosti o prijedlogu zaključka Sadika Ahmetovića.

U drugom krugu glasanja zaključak je usvojen - "za" glasalo 25, "protiv" pet poslanika, pri čemu je iz Republike Srpske "protiv" glasalo pet, što je manje od dvije trećine iz entiteta. Prema tome, usvojen je sljedeći

**Z A K L J U Č A K**

**Predstavnički dom Parlamentarne skupštine BiH zadužuje Vijeće ministara BiH da održi hitnu sjednicu s ciljem razmatranja zahtjeva decertificiranih policajaca, te da ga o tome obavijesti.**

**Ad . 18. Izbor člana Visokog sudskog i tužilačkog vijeća,  
u skladu s članom 8. Zakona o VSTV-u**

Predsjedavajući Lozančić podnio je uvodne napomene o ovoj tački, podsjećajući poslanike na materijal koji je u vezi s ovom tačkom dostavilo Visoko sudsko i tužilačko vijeće BiH. Rekao je da je prvi zamjenik predsjedavajućeg Beriz Belkić, u pripremi za ovu sjednicu, predložio da se za člana VSTV-a izabere Zahid Kovač, dosadašnji član tog vijeća.

Beriz Belkić ukratko je obrazložio prijedlog.

Drugih prijedloga nije bilo.

Prilikom glasanja Dom je, sa 26 glasova "za" (Federacija BiH 19, RS sedam) i šest "suzdržanih", za člana Visokog sudskog i tužilačkog vijeća BiH izabrao Zahida Kovača.

**Ad. 19. Zahtjev Zajedničke komisije za administrativne poslove za razmatranje  
Prijedloga odluke o izmjenama Odluke o oranzaciji Sekretarijata  
Parlamentarne skupštine BiH po hitnom postupku**

Nije bilo rasprave u okviru ove tačke.

Prilikom glasanja Dom je usvojio zahtjev za hitni postupak - "za" glasalo 29 (Federacija BiH 19, RS 10), dva poslanika su se "suzdržala". Zatim je, sa 32 glasa "za" (Federacija BiH 21, RS 11) i jednim "suzdržanim", usvojena Odluka o izmjenama Odluke o organizaciji Sekretarijata Parlamentarne skupštine BiH.

**Ad.20. Promjene u članstvu komisija Doma, zajedničkih komisija oba doma i  
delegacija PSBiH (predlagači: klubovi poslanika)**

U uvodnim napomenama predsjedavajući je podsjetio na prijedloge klubova, kao i da je Klub Stranke za BiH povukao svoj prijedlog nakon primjedbe da bi se njihovim prijedlogom poremetila entitetska zastupljenost u komisiji.

Nije bilo rasprave.

Prilikom glasanja donesene su sljedeće odluke:

- Mirjana Malić imenovana je za člana Zajedničke komisije za ljudska prava, prava djeteta, mlade, imigraciju, izbjeglice i azil, umjesto Denisa Bećirovića,
- Salko Sokolović imenovan je za člana Zajedničke komisije za administrativne poslove, umjesto Sadika Ahmetovića i
- Savo Erić imenovan je za člana Delegacije Parlamentarne skupštine u IPU, umjesto Momčila Novakovića.

Glasanje je izvršeno u paketu – "za" glasalo 29 (Federacija BiH 18, RS 11), "suzdržala" se dva poslanika.

**Ad. 21. Imenovanje tri člana u Zajedničku komisiju oba doma radi usaglašavanja teksta  
Zakona o jedinstvenom matičnom broju**

Nije bilo rasprave.

U Zajedničku komisiju, sa 29 glasova "za" (Federacija BiH 18, RS 11), jednim "protiv" i jednim "suzdržanim", imenovani su: Savo Erić, Vinko Zorić i Rifat Dolić.

**Ad. 22. Prijedlog rezolucije o osudi komunističkih režima  
(podnosilac: poslanik Momčilo Novaković)**

Poslije uvodnih napomena predsjedavajućeg, Momčilo Novaković podnio je obrazloženje Rezolucije.

U raspravi su učestvovali: Selim Bešlagić, Sadik Bahtić, Bakir Izetbegović, Azra Hadžiahmetović, Ekrem Ajanović, Denis Bećirović, Vinko Zorić, Branko Dokić, Lazar Prodanović,

Drago Kalabić, Jerko Ivanković Lijanović, Momčilo Novaković, Slavko Jovičić, Mirko Okolić, Sadik Ahmetović i Remzija Kadrić.

Prilikom glasanja Rezolucija nije usvojena. "Za" je glasalo osam, "protiv" osam, "suzdržalo" se 17 poslanika.

**Ad. 23. Prijedlog zaključka poslanika Rifata Dolića o izradi i podnošenju informacije Vijeća ministara BiH o stanju i statusu imovine države, firmi i građana BiH u zemljama nastalim raspadom bivše SFRJ s planom aktivnosti na njenoj zaštiti i preuzimanju od strane legalnih vlasnika**

Poslije uvodnih napomena predsjedavajućeg, Rifat Dolić ukratko je obrazložio prijedlog ovog zaključka.

Nije bilo rasprave.

Prilikom glasanja, sa 26 glasova "za" (Federacija BiH 19, RS sedam) i pet "suzdržanih", usvojen je sljedeći zaključak:

**Zadužuje se Vijeće ministara BiH da, u roku od 30 dana, pripremi i Predstavničkom domu na raspravu dostavi informaciju o stanju i statusu imovine države, firmi i građana BiH u zemljama nastalim raspadom bivše SFRJ, s planom aktivnosti na njenoj zaštiti i preuzimanju od strane legalnih vlasnika.**

**Ad. 24. Davanje saglasnosti za ratifikaciju:**

- a) Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije,
- b) Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa,
- d) Memoranduma o razumijevanju između Vijeća ministara BiH i Vlade Kanade – Kanadski projekat za mlade i zdravlje na Balkanu,
- e) Memoranduma o razumijevanju između Vijeća ministara BiH i Vlade Kanade – Kanadski projekat u primarnoj zdravstvenoj zaštiti na Balkanu,
- f) Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH.

Predsjedavajući je u uvodnim napomenama podsjetio da je nadležna komisija dala pozitivno mišljenje o materijalima iz ove tačke.

Nije bilo rasprave.

Sa 28 glasova ‘za’ (Federacija BiH 19, RS devet) i dva ‘protiv’, usvojen je prijedlog da se o davanju saglasnosti glasa u paketu. Dom je jednoglasno (31 poslanik – Federacija BiH 20, RS 11) dao saglasnost za ratifikaciju svih akata iz ove tačke.

Ovim je realiziran dnevni red 32. sjednice.

Sjednica je završena u 20,05 sati.

Sastavni dio Zapisnika je transkript sjednice.

SEKRETAR  
PREDSTAVNIČKOG DOMA  
**Branka Todorović**

PREDSJEDAVAJUĆI  
PREDSTAVNIČKOG DOMA  
**Niko Lozančić**